

254
4490
2

19494

~~1236~~

昔清同治五年歲次丙寅孟春中澣游

嶺南邀集閻宗全閻續叅宋秘書公念

六世孫姑蘇暘塢始字行肇春字子薌彙集鈔梓

增錄仙遊赤湖蔡氏宗譜序

蔡氏之始出自姬姓乃周文



王名叔度封於上

蔡蔡其地也其子名胡踐諸侯位是爲蔡仲子孫因以
國爲姓焉春秋有蔡墨仕晉項公爲太史戰國有蔡澤
仕燕昭王爲相陳勝特加侯位傳至曾孫昭帝蔡義爲
丞相光武時蔡茂爲司徒順帝時侍中則有衍靈帝時
奉議郎則有蔡邕此皆當顯人也而世系湮沒莫知所
自蔡相蔡澤卒葬陳留子孫因家焉故陳留蔡爲盛至
於陰平太守宏宏生樂平太守德德生建威將軍豹豹

無子德生從事郎中克克生晉司徒文穆公謨謨生永
嘉太守郡武將軍長史系系生司徒屬綝綝生給事中
軌禮部尚書廓廓生征西將軍開封府儀同三司興宗
宗生從事郎中順太子詹事豹豹生黃門侍郎賓賓生
樑中書令樽樽生內城宣史彥深黃門侍郎彥高高生
附馬都尉凝凝生君知知之後不可復考禮部郎中履
履生梁議朝曹郎點點生記室將軍大同司徒大寶都
尚書大業大同陳中撫將景曆曆生中書令徵徵生隋
東宮學士翼大寶生隋城州刺史迎壽大業生隋文學

館學士允恭景唐亦陳留人當謨同派允恭江陵人江陵本無蔡氏大寶從梁帝遷江陵因家焉允恭以後歷唐五代蔡氏時無顯宋朝文忠公齊睢陽則有敏肅公挺泉南則有忠懷公確吾莆陽則有高父端明忠惠公襄太師魯國公京太傅文正公示莆陽之族出自河南始祖因王潮徙莆田人始祖三公公生五公公生十二公顯勅國公文轍十二公生工部員外郎恭恭生刑部侍郎琇琇生端明殿學士忠惠公襄勅國公生越國公惠生秦國公準禮部郎中規秦國公生魯公示常自公

工部而下位者四從人賜一品者二人登儒科者三十
余人隸仕版者九十余人雖不若魯公兄弟之盛者而
源流深忠惠公之澤未泯故余因是以告來系故爲之
族譜云

淳熙四年丁酉十一日穀旦廣東按察使司按察使嗣
裔蔡錦敬錄戡公原叙謹書

廣州番禺鴉崗祖族譜序

族之有譜散本也存信也譜不修則無信無信則不知是故生如兄弟終如路人昔聖人有見如此焉爲四時之祭以睦宗族上自天子下達士民咸規此焉雖等有辯其報本之意則一也蔡氏係周文王仲孫蔡侯之後唐神堯初有允恭蔡公爲開天策府學其裔孫郭公年二十五歲官應天府九載爲政有聲致仕歸無嗣其弟諱濂原本浙人生于宋寶慶元年乙酉三月十五巳時養母極孝時直宋元交兵天下大荒賊盜群集於是負

母逃難妻洪氏生男二人長子珣次子寧相携避亂途中失寧越潮州府程鄉縣黃昏村居之珣越至廣州府番禺縣老鴉崗村地名龍頸坎處居家焉珣公娶妣漸氏陳氏生九人公號東玉蓋數百載於斯也予見譜缺修復之無遺前人之志謹將喬峯祖房內裔孫編其前後昭穆以示後人則孝子慈孫有欲尋源溯流見斯譜亦可知其祖之自出焉

世一
淑

中傳錄

秘書公二十六世嗣孫賜塢始春子鄉謹輯纂訂

字師聖拜左丞相諡敏肅公裔孫後歷漢晉唐世守祖

居至宋秘書郎源尚書杭輯茲二十五世譜牒

世一
澤

秦昭王時居燕為客卿少時問相於唐舉舉曰先生昌
鼻巨肩魁顏蹙膝攣手吾聞聖人不相殆先生乎答曰
富貴自有但不知者壽耳西入秦為客卿使人言於范
睢應侯曰若見王必奪君位應侯召見之澤曰何見之

晚也夫四時之序成功者去商君吳起文種何足願也
應侯謬曰何爲不可君子有殺身以成名死無所恨澤
曰身名俱全者上也名可法而身死者次也三子之可
願孰與閔天周公哉語曰日滿則移月滿則虧進退盈
縮與時變化今君願已讐而德已報欲至哉而無變計
竊爲君危之應侯遂薦於王見而悅之擢爲秦相而後
免曰吾躍馬食肉懷金印結紫綬四十三年足矣說歸
相印讓賢者受之必有由夷之廉者以爲侯世世稱孤
有喬松之壽因此而隱之孰得而禍哉後人詳以爲壽

世二 充
淑之子

字表聖為中書省通事舍人

世二 義
澤長子

漢中宗孝宣時以明經為給事又任幕府將軍昭帝召見韓詩悅之擢光祿大夫數載為丞相封陽平侯壽入

十餘

世二 千秋
澤次子

受榮廣穀梁傳以名世漢宣帝聞而慕之擢為博士郎

世三 順
義長子

字君仲汝南人少孤嘗出採薪有客卒至母望不還乃
噬其指順卽心動棄薪馳歸跪問其故母曰有急客來
吾噬指以悟爾耳值王莽亂人相食順取桑椹赤黑二
器盛之赤眉賊見而問之答曰黑者奉母赤者自食賊
知其孝因贈米三升牛蹄一只受而不食轉遺於母井
桔槔朽在安生年上順不敢修理卒生老藤繞扶之遂
堅固焉母九十以考終未及葬里中火災將逼其舍抱
柩哀哭火遂越燒他室順獨得免後葬每有雷震輒環
泣日順在此漢建武初太守韓崇聞之每雷輒差車馬

三世

勲

充長子

到墓所舉孝廉不能遠離墓側召為東閣祭酒後告免廬於墓名壽亦九十無疾而終

號黃老王莽徵避不仕入深山避之

四世

倫

順之子

字敬仲漢章帝七年六月為黃門後擢司空元和初封龍亭侯三年五月以老病告歸賜策罷以二千石俸終養其身 在位奉公盡節言事無所依違質慤少文以貞白稱和帝時復拜中常侍殤帝元年秉執預政數進直

言后不能用因眾議廢太后而立帝公有才行自古書契多編以竹簡其用縑綿之書者謂之紙縑其始用樹膚蔴頭故有魚網為紙天下咸稱蔡侯紙今之耒陽縣有漢黃門蔡倫宅西有石向云是春紙白也側理之造

自此始

側理紙名

倫之子

世五 衍

字孟喜少時明經以禮義讓化鄉里為漢靈帝高士名

與八顧中

顧者言能以德行引人者也

莊之子

世五 樞

字興美拜太子洗馬

世六
邕
銜之子

字伯喈陳留人性至篤孝三世同居不分財產孝靈熹
平六年四月爲議郎上封書奏帝乃親迎北郊行辟雍
之禮又詔宣陵孝子爲舍人悉改爲太尉秋八月鮮卑
敗績遣將召百官議事邕爲中郎出奏所議帝不從後
大敗元和初敕賜奏定六經文字自書冊鏤碑立太學
門外觀視摹寫者車乘一日千餘元年七月因怪異邕
封章奏覽而嘆息因起更衣曹節於後竊視之悉宣語

左右中常侍陳璜使人飛章言邕私事下雒陽獄劾天
不敬棄市河南呂疆愍邕無罪力爲申請詔減一等髡
鉗徙朔方不得赦免璜婿楊球與邕叔有隙遣客刺邕
客感其忠孝仁義反以情告得因避患江海往來吳會
吳人有燒桐而爨者邕聞火烈之聲知其良材請裁以
爲琴其音甚清其尾燎焦因名焦尾母患滯疾三年邕
非寒暑節變未嘗解帶不寢者七旬母卒結廬塚傍動
靜讀禮有兔馴擾木生連理枝遠近奇之稱其純孝高
其節義後亡命江海十二年董卓聞其才名徵之稱疾

不就卓怒言曰吾能族人顧不懼耶復徵之勉強應命到著任祭酒卓見之甚敬尊三日間周歷三臺遷侍御史次遷侍郎復晉尙書孝獻初平九年四月省考和以下廟號邕議以爲該宜省去三年四月誅董卓邕在王允座間聞報愕然允因卓遷官故叱之曰懷私遇及嗟豈不共逆哉收付廷尉太史馬日磾謂允曰伯喈曠世逸才多識漢事繼成漢史爲一代大典而所座甚徵若然無乃失人望乎允曰旣無益聖德復使言黨蒙訕其議日磾退而告人曰王允其無後乎善人國之寶也制

作國之典也滅紀廢典其能久乎邕卒於獄王允後誅
於市伯喈所著詞賦等有四千餘卷僅存四百餘編爲
後世效法焉昔人謂伯喈無子悉以書遺王粲按羊祐
傳祐伯喈外甥景獻皇后同母弟祐討吳有功將進爵
王乞以賜舅子蔡襲詔封關內侯蔡充列傳祖母蔡邕
孫也按邕傳不言有子當是必有大忌邕者茲載于百
年眼集時錄以補傳缺

永修

筠之子

字載之爲治書侍御史

世七

繼修

筠之子

字子芝為鎮海節度使後為錦衣將軍

世九

子明

轍長子

為武康軍節度使

世十

珙

子忠長子

字淡成官至秘書監制

世十

玩

子壽長子

詔知制誥

世十

廷璽

珙次子

字孝先官拜司徒

世士

廷

珪

珍之子

字仲全松江人爲陳宗義賦村居圖卜築清江且避喧
數家雞犬自成村隔簾花弄殘春影滿地苔留宿雨痕
映柳日斜漁晒網煮茶烟起客過門莫嫌此地交遊少
時鄰翁醉竹根生

世士

坦

廷玉長子

封雲陽侯

世士

均

廷玉次子

均前曾與封翁交遊

世三
暹

封定豐侯
均長子

世古
暉

字暉遠除南陽守
遜之子

世古
廓

字子明遷翰林學士諡文肅
進之子

字子度為晉侍中補御史中丞多所糾奏宋武帝云廓
可平三世不為徐于木羨之子署楮尾宋廢帝以為吏

部尚書辭不受謂傅亮曰選事若以見付不論不然不

可同台且...

濟陽郡

能拜也亮以語徐羨之羨之曰黃散以下悉以委蔡以
上故宜叅同異曰我不為羨之書楮尾也遂不拜因拜
銓衡恥為志屈雖為尚書後國亂終不遇難可謂高志
矣有子興宗

世閑
閑長子

宋大明二年為典籤乃即位任南臺侍郎御史兼中書
通事舍人並舉軍事賜爵縣南之榮

世興
興次子

晉末為僕射因國亂民疲役重思亂者眾直諫而亡

世 齒 克

逌長子

字子尼陳留考城人博學雅操為邦族所敬憚莫敢媿

慢山簡與王衍書曰蔡子尼今之正人也衍曰山以一

字拔人公生晉時有子謨訣顯

世 齒 祐

逌次子

字承先授平東將軍忠義嚴肅着光明鉄鎧所向無敵

世 齒 森

逌次子

字叔度為榮文館學士

世 齒 樽

逌三子

字景節為宋吳興太守甘淡泊清素自種白苧菜紫詔
旌其廉天監時宣城羣吏作亂討平之或勸避曰不可
募勇敢死閉門拒守後復攻之遂大破焉因討叛有功
褒封選職方郎中有女適道原道原苦學家最窘蔡氏
修婦道道原悅親以孝蔡助之也公封平原君

世^去若雷

盱之子

為五經博士號誠齋先生

世^去興宗

廓之子

宋大明二年六月為侍中選曹要重常侍閒談改之以

名而不實雖爲輕重人心豈可變耶後竟如其言宋主
聞廣陵平出宣陽門勅左右皆呼萬歲興宗倍輦顧曰
卿何獨不呼正色答曰陛下今日正應涕泣行誅豈得
皆呼萬歲奉旨慰勞廣陵公與范義素善收斂其尸送
歸豫章宋主謂曰卿何敢故觸王憲對曰陛下自殺賊
臣自葬故交何不可之有宋主有慙色六年夏擢爲吏
部尙書惟憚方嚴不敢侵媿議曹郎王航之曰蔡豫章
昔爲相府亦以方嚴不狎武帝宴私之日未嘗相召蔡
尙書今日可謂能負荷矣八年宋主駿殂太子業立興

宗於都座慨然曰先帝非盛德之主要以道始終三年無改古典所貴而凡諸制度一皆刊削云云每奉選事載法興宗等輒點定回換於朝堂謂曰主上諒陰不親萬幾而舉選多事被刪改復非公筆亦不知是何天子意義恭法興宗皆惡之遷爲新昌太守景和元年九月朝廷以興宗爲子項長史行府州事辭不行袁顓曰勸立桓公之勲答曰吾門素分平進與主上甚疎患宮省內外人不自保會應有變若內難得弭外釁未必可量汝欲在外求全我欲居中免禍各行其志不亦善乎復

世^五
凝

任吏部尚書封樂安公泰豫元年八月公卒諡宣穆夫
人氏劉生子翱
閑之子

世^五
謨

字子居博涉經傳尤工草隸常端座西齋自非名流罕
與交接陳大建初除授吏部侍郎廉清正公沒諡曰忠
貞生二子允恭

克長子

字道明顯宗三年為吳國內史五年任都督徐兗軍事
大尉南昌云郗鑒疾篤上疏曰太常臣蔡謨平簡貞正

素望所歸可為徐州鑒薨即以謨代之時左衛將軍請
伐趙謨上疏曰得之利薄而不足損敵失之害重而足
以益寇非長策也後果如議孝宗永和二年二月任光
祿大夫領司徒四年十二月擢大司徒上疏懇辭謂所
親曰若謂為大司徒將為後世嘲笑義不敢拜也今子
孫占籍金壇

十五世訣

克次子

字明道有篤行每事過防即浮海脫帶

十五世顯

克三子

字行道爲晉康帝朝司徒

世壹

郊照之子

爲行營判官沒於王事

世五

可大

楚之子

爲杭州刺史號明陽先生

世壹

可立

樽之子

字元均遷國子祭酒

世六

堯叟

若水之子

爲荊州刺史

可同台且長...

濟陽郡

世去
清叟

若水次子

為武城令

世去
翽

興宗次子

為浙江提舉

世去
允恭

凝長子

字大中由河南濟陽郡開支遷徙福建生於隋紀仕在
唐高祖時擢賜進士出身廷試策對翰林為十八學士
之長叅軍政事兼左丞相輔贈封銀青光祿大夫嗣裔
縣遠徙居潮郡東關外蔡家園

世去
道恭

凝次子

梁天監時爲司馬刺史聞魏將至遣將帥城外居民保
賢首山爲三柵魏圍義陽城中兵不滿五千食可支半
載日夜攻之不息隨方抗禦應手摧却相持百餘日斬
獲不可勝計魏軍憚而退公疾篤呼從弟兄子及諸將
佐謂曰汝等當以死守勿以吾沒有遺恨眾皆流涕而
後卒

世去
大寶

謨之子

梁時爲侍中尙書令

世去

法度

訣之子

梁時刪定舊例書成詔頒行之

世去

裔

鄰長子

仕晉爲御史勇氣過人聲若震雷夜有二盜入室撫床一呼二盜俱各驚殞後殷浩薦爲將軍

世去

襲

鄰次子

唐懿宗三年二月爲安南經畧使諸蠻入寇發兵禦之南詔復寇仍發許滑徐汴荆襄潭鄂等道合兵三萬授以兵勢旣盛蠻遂引去五月將諸道軍在安南權奸忌

其立功奏稱南蠻遠遁邊徼無虞請罷戍兵從之襲哀
苦累奏羣蠻伺隙不可無備乞留兵五千以備不虞作
十必死之狀並奏章申中書省其時俱相信權臣佞言
終不依省冬十一月羣蠻復寇安南南詔告急勅發兵
二千管兵二千兵未至安南已圍跋趾嬰城固守救兵
不至四年正月南詔已陷交趾經畧使襲死節左右皆
徒步力戰食盡兵乏冒矢溺海而亡上下可謂盡忠矣

世主

通問

鄒長子

爲青陽令

可南台且支六天直曹

齊易部

世老
明問

習次子

字元亮爲宣州刺史

世老
潮

知果三子

居台州登進士官至方伯子雲程亦進士官至刑部尙書孫椿齡松齡柏齡俱貴顯爲知府係名公圖錄

世老
齊

英之子

字子思膠水人神色明秀鬚眉如畫宋祥符八年策進士真宗夜夢有菜一苗與殿相齊及試卷以齊爲狀元上喜曰得人矣試天下如置器賦有云安天下於覆盂

世
劍

芳三子

其功可大上曰宰相器也詔金吾七驕傳呼以出狀元
給驪自齊始正色孤立而能持正喜薦士天聖二年十
月爲副使景祐元年二月叅知政事公喜飲賈存道上
詩云
聖君恩重龍顏選慈母年高鶴髮垂君寵母恩俱未報
酒爲成病悔何追自是非賓客不對酒薦楊偕郭勤劉
隨等皆當世名臣仁宗朝大拜謚文忠

唐末仕至散騎侍郎

濟陽郡

世次

爽

通問次子

字子淵加紫荊光祿大夫

世次

旻

溫之子

字叔元遷桂陽太守後拜尚書

世次

景厯

洽次子

陳主以為中書通事舍人是時正事皆由中書省置二

十一局當尚書諸曹總國機要尚書惟聽受而已陳主

霸先殂章皇后召中書郎厯入禁定議兄子臨川王舊

立因無嫡嗣故該立耳太建九年十月立議侵周諫曰

師老將驕不宜窮途遠畧陳主怒爲阻眾免官削爵後
果周執陳之吳明徹而大敗其所議皆合主復召謂之
曰卿言驗矣卽日擢爲征南諮議大將軍公爲人忠厚
有惠及民

世充
用之

雍長子

字宗野新昌人宋天禧中策進士狀元上萬言帝書喜
曰朕得天下奇才偉器未有如用之者出其文以示諸
學士曰此江南夫子作也

世充
挺之

冕長子

舉進士及第

世堯 拱之 冕次子

為池陽令

世堯 清之 爽之子

字巨源為吏部尚書

世堯 謹 昊次子

字伯泰筠州人元祐間隱居不仕創義方書院有志於學者給之以三十人為率築圃植花木為遊憩所號無為居士邑有訟不訴之官而決於伯泰有王烈之風壽

八十一 文 青 湘 宮 判 題

景 歷 之 子 言 賦 驚 詩 更 賦 文 文 圖 並 益 青 雲 萬 里 詩 道

賦昇仙骨有神仙王方平女仙麻姑嘗降其家姑貌似
十八女子衣有文綵而非錦繡至進珠盤玉杯劈麟脯
行仙酒姑云自接代以來見東海三變為桑田矣今過
蓬萊水又淺於昔日得夫將復陸行乎以米擲地皆成
丹砂手似烏爪經心想其好搔背癢卽有神鞭經背莫
見其人持鞭者曰吾鞭豈易得耶後有人題麻姑壇云
五百年來別恨多東征重得見青娥劈麟方擬窮歡飲

無奈傍人背癢何麻姑壇在撫州經宅在蘇州盤門外
遺宅爲祠有王蔡麻姑三仙像焉門首橋名聚仙橋今
之仙人塘是基地也

世三伯禧

凝之之子

一名伯倫宋真宗朝試童科對上誦書年來三週故號
三歲神童上賜詩云七閩山水多材俊三歲神童出盛
時家世應傳清白訓嬰兒自得老成資初知學步來朝
闕方及能言解讀詩更勵孜孜圖進益青雲萬里有前
期除授校書郎爲春官伴讀

世三 明發

稔之子

紹聖中何昌榜及第官至承議郎

世三 崑

謹三子

字子二應天府人久留邊塞作歌輒驗有三閣老人之

句因達禁中神宗憫而召歸

世三 龜齡

晟次子

字清臣遷監察御史

世三 源

伯亨次子即

東蔡譜一世祖

字世洪號濟夫河南汝寧府新蔡縣人宋政和間仕秘

書郎翺翔書府吟咏秘閣建炎初避金難扈蹕南渡僑寓於杭公卒葬湧金門外玉泉池西阜長子維孟徙蘇之洞庭山消夏灣第四世次孫希逸徙無錫之板村次繼孟徙湖之烏程蔡塔嗣庄迨伯兄奉母居洞庭相從侍養築室里東因有東西蔡之稱子孫往來洞庭第九世次孫良瑞始奠居東蔡三子承孟徙湖之德清餘不詳今吾輩子孫占籍吳越及楚地者各備譜牒

伯麟之子

世發

居建寧建陽爲人篤行好學知天文識地理作詞賦山

世世
襄

川發微論世稱牧堂先生以曾孫杭貴贈少保建陽世
九賢人從此始子元定

伯鳳之子嗣裔開派閩省分裔徙廣東江西

字君謨興化莆田人軍籍知福州時聘周希孟以明經
授學者延見處士陳烈以師禮尊之後爲泉州太守造
洛陽橋一名萬安渡石橋因潮水洪泛難築遂投交於
海神限三日迴繳差人泣於海邊睡醒時見文書俱濕
歸卽投批啟而視之惟一醋字公悟曰神其令我八月
二十一日酉時興工乎至期潮果退舍凡八日夕而工

已成立碑而自書之云泉州萬安渡石橋造於皇祐五年四月庚寅嘉祐四年十二月完訖累趾於淵驪水爲四十七道架空以行其長三千六百尺廣丈其五尺翼以扶欄如其長之數而兩之糜費金錢二千四百萬求諸施數渡實文者去舟而徒易危而安民莫不測利職其事盧錫王實許忠浮圖而波宗善等十有五人旣成莆陽太守蔡襄爲之合樂讌飲而樂之明年秋蒙召還京道繇是出因紀所作勒於岸左其書以爲蘇黃米蔡人間至寶之說景祐間任館閣簡校勘作四賢一不肖

詩以美范仲淹余靖尹洙歐陽修而譏高若訥人士傳
寫粥書市之得厚利慶曆三年三月擢知諫院奏爲喜
言路開而慮正人難久立也復上疏曰任諫非難聽諫
爲難聽諫非難用諫爲難忠誠剛正必能盡言恐邪人
不利正諫必造爲禦之之說其禦之不過有三曰好名
好進彰君過耳襄言於帝曰陛下罷夏竦而用韓琦范
仲淹士大夫賀於朝庶民歌於野且退一邪進二賢豈
能闢天下輕重哉蓋一邪退則其類退一賢進則其類
進眾邪並退眾賢並進海內不亦泰乎雖然有竊憂之

天下之勢譬有病者陛下旣得良醫矣信任不疑非徒愈病而又壽民醫雖良術不能盡用則病且日深雖有盧扁難責效矣皇祐三年秋帝怒唐介聲色俱厲甚公時修起居注趨進言曰介誠狂直然納諫容言人主之美德伏望貸之遂貶介英州別駕公文章清粹尤工楷書大小草隸歐陽修以爲獨步當世慶曆中闕擢歐陽修王素張方年爲諫官乃作詩曰御筆親提三諫官喧傳朝野競相歎當年流落身心在自古忠良得路難好謁謀猷君帝右直須風采動朝端世間爲事皆塵土留

取功名久遠看三人以詩薦於上未幾除諫院復除端
明殿學士公母有賢行仁宗時賜冠帔以榮之已而起
赴南幕公過無錫卽惠山有蕘詩一首此泉何以得適
與茶相遇在物兩稱絕於子獨得趣鮮香籬下雪甘滑
杯中露常能變俗骨豈特湔塵慮晝盡清風生飄蕭入
庭樹中含古人意來者庶冥悟 又西施篇越地無雙
艷吳官未始知誰言勾踐黠不自受西施 公配葛常
之祖姑清源君有子二洸戡 曾孫俱登高第

龜齡長子

世世
抗

字子直宋嘉祐間中甲科冠多士英宗在藩邸深嘉重
之卽位召對語之曰卿乃朕之故人勿以常禮自疎除
工部尙書公上疏乞致仕歸

世世
挺

龜齡次子

字子正卽抗弟神宗朝知渭州甲兵整齊常若寇至多
立功效久留邊寓意詩詞有玉關老人句帝聞愍召拜
樞密副使後諡敏肅公

泌之子

世世
擇

字邠老爲海州刺史

世世

元定

發之子

字季通宋慶元二年十二月竄處士於道州時台諫皆韓侂胄所引無不迎合其意以攻僞學爲言因罷朱熹詞其徒謝深甫抵其書於地語同列曰元晦元定不過自相講明耳有何罪乎事乃止元定生而穎悟父傳博覽羣書號牧堂老人以程氏語錄邵氏經世張氏正蒙授元定曰此孔孟正脈也深涵其義旣長辨悉精微登建陽西山絕頂在建陽縣西崇泰里結廬於山後理宗御書西山二大字表之石刻尙存忍飢淡菴以讀書聞熹名往師

之熹叩其學大驚曰此吾老友不當在弟子列遂對榻
講論諸經奧義晝夜不輟四方來學者熹必先令從蔡
君質正焉尤袤楊萬里聯疏對以疾辭薦於朝召之築室

不赴

西山將爲終焉之志會僞學黨之論起乃言曰吾其不
免乎及聞貶不辭家卽就道元晦與從學者數百人餞
別蕭寺座中客有興嘆泣下者元晦微視季通不異平
日因喟然嘆曰朋友相愛之情季通不挫之志可謂兩
得之矣眾謂宜其緩行曰獲罪于天其可逃乎杖履同
其子沈共行三千里足爲流血并几微見言面至春陵

山在永州東北七十里有城在焉遠近來學者自多府
州士子莫不趨席下以聽講說愛先生者曰謂宜遠謝
生徒答曰彼誠來學我何拒之若有禍患非閉門塞竇
所能避也貽書訓諸子曰獨行不愧影獨寢不愧衾勿
以吾得罪故遂懈其意在道逾年忽一日謂沈曰可謝
客吾欲安靜以還造化舊物越三日卒於書無所不讀
於事無所不究理義得見大原下至圖書禮樂制度無
不精妙元晦疏釋四書及傳易書詩編籍通鑑綱目皆
與往復叅訂啟蒙一書則屬季通起稿元晦嘗曰造化

微妙惟深於理者能識之吾與季通言而不厭也著洪
範解大衍解說律呂新書燕樂原辯皇極經世太元潛
書指要皆行於世學者尊稱西山先生嘉定三年封迪
功郎又著八陣圖說均載入從祀錄明嘉靖十年從祀
先儒後以孫杭貴顯贈太傅諡文節追祀崇聖殿有詩
題西竺云數間茆屋珎流水布被藜羹飽煖餘不向利
中生計較肯于名上做工夫門前野馬閒來往天際浮
雲自卷舒窮達始知皆有命何如隨分老樵漁又題林
居富貴良非願林泉畢此生酒因隨量飲詩或偶然成

秋水如烟釣春田帶雨耕頽然無縫塔且不費經營

世世 沈 襄長子

為八座

世世 戡 襄次子

為侍從

世世 廷環 權長子

字子正為博學宏詞

世世 廷椽 權五子

擢甲科除鹽鐵轉運副使

世世 雱 杉長子

字安仁為黃門侍郎

可河台且冬之直音

三 濟陽郡

世_三承

禧 霏之子

神宗朝為御史熙甯八年十月論呂惠卿奸惡不附王

安石之黨可稱為直臣

世_三黑

擇次子

為徐州刺史

世_三資

雱次子

舉明經及第

世_三煥

字仲旬以功拜宣徽院使

世_三沈

元定長子

字仲默建陽人少從朱熹游熹書傳未及為

元定洪範數未及論著皆以屬沈沈潛心反復數十年

然後成書始從元定謫道州跋涉數千里父子相對常
以理義自怡悅元定沒徒步護喪以還有遺之金不受
曰吾不忍累先人也年僅三十屏去舉子業一以聖賢
爲師隱居九峯當世各鄉物色將薦用之不屑就世稱
九峯先生卒年六十四諡文正人明英宗詔從祀贈建
陽伯成化三年贈崇安伯嘉靖九年稱先儒公有二弟
節叅公淵復叅公沅俱稱賢人

世高
師言

敷言

襄曾孫俱登高第

世高
驥

黯之子

字伯玉官至司空

世 萬 肇

耀長子

字天啟丹陽人長於詩詞為博士三年不廷因和人治
字韻云先生萬古名何用博士三年冗不治和秦少游
詩云願同籍湜輩終老韓公張天薦之宋大觀末召授
中書舍人凡有所作揮毫立就文不加點後有詩籍傳後

世 萬 載

耀次子

字天任亦善詩詞在無錫題高山寺繡佛云妙相奪天
真針針妙入神幾多瞻禮者還想用心人又題遂初亭
着亭傍林泉偶與初心期佳處時自領未應魚鳥知題

望雲亭白雲何時來
英英冠山椒西風莫吹去
使我心搖搖題芳美
亭高人不惜地自種
無邊春莫隨流水去
恐污世間塵題通慧
亭水行天地間萬派
同一指胡爲穿石來
要洗巢由耳

世高
杭

沈長子

除丞相謚文肅公有弟覺軒公模素軒公格靜軒公權
俱發高第忠良賢後世稱四異世九賢原數世之先祖
墓葬時有其課云

世高
展

煒次子

紹興二十一年進士及第

世苴

必勝

承禧子

宋光宗時知閣門事宣贊舍人居知內侍居鄉里有篤

行出入小心勤謹和緩

世苴

曾

訶之子

字子飛配黃山谷之姑母淹貫經史少為大學生宋至

和中丞相劉沅館之以訓諸生欲以郊祀恩例官之不

就而歸為南園拉花木谷作南園記有云學問之澤不

加於民而孝友睦於兄弟文章之報不華於身而光輝

世堂
仍

卞之子

發於草木是以竹林中作堂曰青玉據羣山之會曰翠
光因高作閣曰冠霞宴居之室曰樂靜經行之亭曰浩
然所居類市隱繼其地曰南園自號東廓居士

題清真觀放生池放生池上開軒座節氣如春屬仲冬閣
近波光凝翡翠山連雲氣浴芙蓉仙壇野鶴來巢子石
洞長松欲化龍剪燭賦詩清不寐又聽玄館送神鐘卞
仕宋爲樞密帥廣道無錫挈家遊惠山是日邑人楊生
與數僧閒步殿上聞公來戲言曰蔡侍郎無子吾與之

爲子曰公至廣之明年生子仍後三歲還朝次無錫仍
忽悟前身爲楊生能言其居舍親戚與平時嗜玩因召
楊生二子曰陟曰昇問其父死日乃仍生之時也三日
後復問則懵不能言矣二家往來爲姻眷仍後奏陟補
爲將仕郎載無錫志

壁長子

世
景

號芝林江陰人贈畧道推上人客邊重見雪盈頭蓬底
談詩記昔遊百里雲山黃葉寺十年鷗露白蘋洲雨花
風煖香生座梵唄聲清月滿樓昨夜湖南春水漲浩歌

又上木蘭舟又竹鶴軒爲江陰蔣鍊師賦 爲愛修篁

勝古松遠辭緱嶺下琳宮月明啄實隨儀鳳露冷驚秋
振籜籠涼吹影翻翎雪白翠雲光炫頂砂紅道人不作
揚州夢留取他年駕碧雲

自強之子

世堇
準

題慧聚寺 雪晴山色一重重因暇尋幽訪古蹤神疊
石基成寶殿柱圖靈品感真龍僧居漸遠林間地客枕
曾聞月下鐘會得登臨便無事門前流水照青松

懋德

公乃秘書公十八世孫爲貴三公之分支居崑山祖
贈中憲公出嗣於姑母家從陳姓者三世公備兵嘉

湖時始奏復本姓入蔡氏詞譜明鑑贈諡祠祀俱載
蔡懋德焉

字維立號雲怡崑山人萬曆丙午舉人已未進士授杭
州推官執法嚴平案無留牘修紫陽社倉陽明保約法
立讞盜讞命清玉獄法及歲祲通商賑荒皆有程度上
官令通省行著爲令天啟辛酉爲本省同考官得知名
士八人張懋忠沈戩穀陸樹本其著也甲子聘福建同
考官有要人屬其子輒辭不往官六年兩臺使數萬公
推天下治行第一行取入京崑山相公當國以鄉人欲
致門下授吏部報不與通怒改部擬給事中而旨改禮

部主事時魏忠賢建祠京師禮部尙書率諸曹謁賀公
與同官翁鴻業中道托疾歸三殿告成忠賢受上賞死
臣皆進級公具揭吏部辭言無功不敢受賞隨乞封先
澤王差禮畢歸里築室奉母題所居曰不隨室以見志
崇禎改元誅忠賢公始入京陞江西按察司副使視學
政立書院禮請鄒恒水萬恒麓舒曰敬主之公以時涖
講席與諸生往復辨難著管見臆測數千言具載語錄
中常登白鹿洞講孝經大義聽者感動又作文心八則
以正文體壬申量移浙江布政司右叅政兼按察司僉

事備兵嘉湖地濱海承平久武備廢弛海寇劉香老船
猝至人心忙擾公申明約束爲戰守計是時大盜屠阿
丑擁眾千人出入泖湖爲浙西隱憂撫按連章告急議
合兵會剿公曰此可計擒也奈何驚擾百姓具兵聲先
聞彼颺入海與香老合害叵測矣上官然之以事屬公
公察盜窩皆湖濱巨室密致之來脅以利害悉叩頭願
効命於是命部將授方畧偵賊所在散健卒至其地遠
近分布窩主奉命飲食之約日齊發盜沈千斤者阿丑
義兒也最驍勇捕人起擒沈力戰被傷阿丑奪氣有部

卒僞爲田夫值於隘道猝抱持之共陷淖泥中追者至
遂生擒阿丑撫其餘黨盜平督撫上其功於是廷臣交
章薦公以爲知兵繼乃立捕盜法嚴保甲重窩盜之法
小盜亦靖旣丁內艱去民哭而送之然公家居民有大
冤苦地方有大故當路者得公一言爲定時流賊起英
山霍山江北羣邑連陷留都大震巡撫張公國維厲兵
布置方畧多公指授巡按祁公彪佳亦造廬請教故兩
公治聲卒名於時服闋補井陘道天久旱寸土皆焦禱
雨輒至屬邑民爭遠迎公禱又輒雨民皆歡呼曰蔡公

兩甫三月改調寧前初寧前兵補缺已有人遼撫方一藻特疎謂要地非公不可得旨改調公上疏辭不允乃就道井陘士民攀留者哀號塞道三日始得出郭民立廟祀之歲時祭禱不絕禱輒應人以爲神寧前孤懸關外勢危公以身許國以諸子屬宗長曰吾不復問矣日夕訓勵將士識應公時盛吳公某於偏裨中是時遼餉待發京帑恒阻梗不時至公示恩信貸諸大商如期償之屢貸以濟他鎮卽不能故常以餉絕致變時山東河南北直失陷名城數十公不解甲於松山者四十七日

於寧九日其他攻圍一二日不數計而八城迄無恙公
之力也兵部奏守城第一奇功將大用而閣部楊嗣昌
照書問所欲不報於是敘功覆奏自督鎮遊守小吏皆
進爵蔭子獨謂公有清修質弱不勝任調服腹裏用公
無幾微不平見顏色而邊吏聞之解體矣己卯調山東
濟南道入關商民士卒號泣如去井陘時濟南新經殘
破文武吏缺人公攝兩司及三道 招集流移撫安反
側諸廢墜事畢有秦安守某貪暴不法知不免因公生
日製金帶綺服躬持上壽公提其所束帶笑曰五十餘

年一銅帶轉覺馨香耳守慚而退明日解綬去於是墨吏望風引避又却泰山香稅羨餘二千金修泰安城大寇李青山爲亂所至騷動公剿撫並用兩月盜平庚辰春晉山東按察使秋升河南右布政適奉覃恩贈父母祖父母如其官公以國事淆亂朝廷偏黨益甚知志不得行便道歸里焚黃封畢卽具文迄休撫按以河南寇亟屬規避不肯題乃之仍攝糧儲道時斗米三金人相食摧科無以應而闖賊聲言先服者不徵糧民日夜望賊來公曰此時急摧科是疾驅民爲盜也檄州縣停徵

抗疏自劾落職七級尋齋表入京會浙江山西巡撫缺
兩省士大夫皆欲得公然山西危疆浙內非奧援不可
得有欲貸公金以賂政府者公不聽遂奉山西巡撫命
特賜召對上問致治之要對曰天下變亂皆由民窮爲
盜臣任撫綏使窮百姓有飯喫耳然愛民先察吏察吏
莫先臣自察臣不公不廉何以服僚屬心願正己率屬
俾民不爲盜而臣無可見之功不願殺害百姓以成一
己之名上謂孝經小學務遵旨頒行以勵風俗對曰學
無大小皆有裨治然今日反亂爲治當從大學提綱絜

領最爲易簡又問屯田當舉行對曰勸墾有要須信永不起科之令上是其言賜饌及銀幣極寵渥壬午春馳至山西榜其門曰願聞已過求通民情於三立祠爲講會聘名儒傅山等主之又立干城社以招奇謀異勇之事其他墾荒擢科察吏因地相時法無一定渠寇王冕王二冕王一鳳等先後作亂悉討平之寧武鎮將許定國援河南兵叛潰歸薊將任國奇等統兵數千蹂躪晉地公且勦且撫亂始定九月京師以邊警戒嚴徵天下兵入援公誓眾屈行奉旨扼防龍固龍固諸關本以內

禦外今敵人內地反居外禦內所設將隸保定真定二撫不奉節制公親率標兵策應萬山中於千五百里地扼關隘設烽台布置嚴整匹馬不入境自十月設防至癸未五月罷勞憊甚不敢言病事平以疾請告疏留中不下而闖賊以陷河南窺秦晉公聞報亟起治兵馳河上禦之秦督孫傳廷統兵數十萬守潼關時天連雨弓矢不能張朝議督戰日急孫不得已出關一戰而潰賊入關三秦皆陷當賊在河南時晉地所防止垣曲平陸芮城三四百里賊破西安而平陽一路急畧西安諸屬

汾州與賊爲鄰至榆林又過太原矣南自芮浦北迄保德延袤二千五百里爲恃一河爲界處處可渡加以嚴寒冰合車馬通行如平地公乃上疏曰賊勢猖獗畿輔甚危萬難畫界自保今日之失正在賊聚而攻我散而守平是以處無堅城也請發禁旅並調真保大營宣大二撫與臣合兵尙可背關一戰否則畿輔以西恐成破竹之勢矣又請發京運留晉餉連章告急皆不應諸鎮兵無一人至者公獨力支吾以三千弱卒當數十萬強寇日往來奔走於二千五百里之間惟以精忠至誠

感動將士猶能敗賊於大慶渡再敗之風陵渡三敗之
吉鄉渡賊屢犯屢却堅壁守者四閱月是時賊已破榆
林岢嵐告急太原危如累卵先是公親禦賊於平陽汾
州間屬巡按汪宗友留守太原彈壓至是宗友馳羽書
促公歸太原又啟晉王以手書敦迫謂省會重地不歸
救則太原失卽堅拒河上無益公乃留千人守平陽千
人守汾州自率千人赴太原宗友卽出巡他邑公貽書
寧武鎮周遇吉曰僕素悉公忠義鼠竄偷生公必不爲
但拒河恐力不支倘天不祐我國逆賊長驅北上願與

公約公死守寧武以扼其北僕死守太原以障其東賊謂我二鎮躡其後或可牽制以俟畿輔援兵大集此睢陽之烈也遇吉慨然許之賊偵公離平陽布間諜訛言賊已渡河平陽道將以下皆棄城走三日賊不至懼罪乃遣人迎賊而平陽陷公聞憤懣率千人赴死諸將難之公曰等死耳死於城不若死於陣俄而晉王及官吏士民數萬擁馬首不能行且泣曰省城根本重地公一出則鳥獸散矣向與周將軍二鎮躡後之約公豈忘之乎公乃集眾歃血盟於關帝廟爲守城計宗友反言公

不守河而歸太原致賊得渡疏劾公往昔多移調屬吏
易置將帥吏兵二部頗憾之至是謂公賊勢旣急不大
聲疾呼以致失陷遂奉旨解任聽勘命郭景昌代之又
命閣臣李建泰督師救晉皆逗遛不前當是時賊申號
令凡州縣降者秋毫無犯攻破者屠之太原以南往往
不俟賊至先齎表納印降而危急之際更易軍府軍並
事不可爲公中軍副總兵應時盛言於公曰公有解任
之旨例可出境待也公毅然曰吾死生之際了然矣奈
何當危亡呼吸時藉口解任乎縱新撫至吾亦與之同

死汝愛我無多言矣太原士民亦知無外援城不可守而感公恩激於忠義皆號泣願同死盟廟之日哭聲震野迄城破無一人叛者甲申正月晦賊遊騎至郊平陽一帶降賊者皆合聲頌公李自成先遣使持牘至城下招諭公共道公德將大用公卽日登埤碎其牌斬來使懸其頭於堞樓由是城中惴惴守志益堅二月初五日賊圍城四郊蟻附蜂屯一望無際公力捍禦殺賊數千人先公度自成駐營處理地雷是夜遣壯士竊發之砲起擊殺賊無算而自成適往近寺浴得免初六日公遣

驍將牛勇朱孔訓出戰二將陣亡自成具鹵簿親臨城
下督攻城上亦發火器擊賊殺傷甚多初七日晝晦大
風拔樹屋瓦皆飛澈日夜不息守城者不能立公知勢
不可支密草遣書藏衣幅鬪副將應時盛亦馳歸殺其
妾與幼子曰毋爲賊辱爾我作厲鬼也先是城東南角
樓積火器火藥有標將張雄者守新南門與賊通嘗詣
公白事以刀靶前向欲爲變材官段可達知之雄至率
家丁按刀周侍謀不得行公與時盛議調雄守大南以
防內應未及調而雄已跳城歸賊豫伏黨於角樓戒曰

我下遂舉火時火起風猛火藥器齊發守者皆走賊乘勢登城公向北再拜出遺疏授贊畫知縣賈士璋曰臣力竭矣惟一死報國願君聞道奏天子遂掣佩刀欲自刎諸將奪刀泣時盛曰且下城巷救新南門遂扶公上馬時盛持矛衝突手殺數十人賊避易無敢當者至炭市口以賊騎滿城不能進時盛呼曰且擁公出西門公遽躍下馬曰吾封疆臣應死封疆汝輩當自去諸將復給公前有大井可死擁公上馬至水西門公見城門大呼曰汝等欲陷我於不忠耶復跳下馬時盛已出城圍

顧不見公更同可達斫賊入見公坐地下不肯起時盛
下馬曰死則俱死耳公問三立祠何在遂同至祠而令
可達去曰汝非命官可無死他日收吾屍也可遂泣拜
上馬砍西門出時盛解袍帶係東梁之左公再拜先賢
就縊身輕不卽死時盛脫鐵甲加公肩而氣絕時盛再
拜公亦東向以弓絃自勒諸標下急抱時時盛拔刀砍
之遂自勒死而王永魁十餘人皆同時自刎明日賊徧
索文武官縛而至左布政趙建極按察使陳純德不屈
大罵賊死之公標小將惠光祚亦罵賊死其他斬於晉

府之門者凡四十六人賊索公與時盛不得有告以三
立祠者自成甚恨之就驗其尸手刃其首以號令公死
後賊從保德渡者圍寧武城二十日城陷帥臣周遇吉
死之踐公約也城破日遇吉貫甲運矛跳馬入堅陣殺
巨賊百餘人矢攢甲如蝟毛身中數十創死妻某氏蒙
古人家童百人皆其族氏縱火先焚居舍跨馬挽弓率
家僮巷戰從辰至未殺傷近千人矢絕赴火死家童無
一降者賊遂屠城殭屍二十餘萬賊自入晉攻而破者
惟太原寧武其長驅入三關過太州巨鎮百餘城皆望

風迎降直達燕都不四十日京師陷天子死社稷失賊
旣刃公棄公首於海子之水溝可達求得之以傳公屍
手掬土墻掩之十指盡腫越十日可達與周文郁著買
棺斂於泰山廟顏色如生瘞南門外東岡越五年戊子
公子方炳方炆往扶櫬晉人贈賻白衣垂涕送者數千
人初公訃聞天子震悼未卹南都立禮部請表忠烈賜
謚忠襄子祭建祠以時盛附祀

大清乾隆二十二年追謚忠恪

懋廉

字琴鶴以舉人授南昌府同知荆屠松江

復元

修嘉定縣志序

景行

修崇明洲記

昇

號西巖修姑蘇震澤志皆載吳都文粹中

亨

字嘉會號南洲皇明嘉靖封王藩邸任伴讀進講讀擢

光祿寺太常卿

謨

字子文篤志敏學洪武間授提督河南農務

宗

為人恭儉温良才全德備避亂隱居上聞封為人才官

創居洲涇

伯妍

淹貫經史遊太學授荆縣教諭陞國子學錄著歸間集

居嗣庄

黻

恩例冠帶尊追思祖念輯七九公前後系譜

昇

號南巖博涉書史封溫州同知工詩詞著震澤編輯姑

蘇誌

良瑞

東蔡譜九世祖

字君玉任太倉衛鎮撫封武毅將軍爲人勇畧晚辭榮
祿歸隱林泉詩酒怡情湛深道味課子孫以耕讀薰鄉
里而善良蓋其先世雖築室洞庭然仍數居吳興迄武

毅公歸隱莫宅於消夏之東今稱東蔡里焉臨終自偈
日七十三年豪傑今朝到此終拙一拳打破虛空自有
清風明月卽其言可得其心矣生於宋淳佑丙午卒於
元延祐戊午葬消夏灣五峯山下載入蘇州府誌吳縣
誌具區志震澤編子四貴一貴二貴三貴四次子貴二
襲父職後裔居太倉

晏

號桂岩輯上蔡譜著腐集子和續下蔡譜著武光集號
秋槎

瀛

嘉靖舉人纂六家文集子望卿增廣生鄉飲大賓著篷

窗稿記幻篇

濛

為南寧知府弟滂號橘洲集承先尚賢譜羽總正上一公譜

元用

子隆仲以舉人任荏平教諭弟元亨以貢生任廣東廉

州推官

璠

誥贈光祿少卿子亨經筵講讀除太常卿蔭孫應祥佐雲南府判

愛松

字元博居洞庭陽塢里處士公生成化少以樸

茂長益敦厚性喜讀書更善治生爲人大概有君子風度咸稱義士好施

以寧

字蒙平姑蘇洞庭陽塢人幼稟正骨奇挺有志操八塾能觸類旁通博識經史生平爲詩甚富昔稱詩史錄傳

孚

授蘇州指揮使建梅村橋立泰伯至德祠春秋祭祀捨

田給羽士

宗善

東蔡譜十二世

字敬宗洪武中建立社學郡邑以其學行老成共舉為

師以教隸生徒復詣闕講說誥義稱上意賜書與金帛

歸

清

字介夫福建晉江人少走侯官從林珙學易盡得其要

舉成化十三年鄉試第一二十年成進士即乞假歸初

爲稽勲主事以母憂服闋除祠祭員外郎乞便養改南京文選郎中一日心動急乞假歸甫兩月而父卒自是居家授徒不出正德初起江西提學副使時甯王宸濠驕恣清遂乞休去劉瑾知天下議已用蔡京召楊時故事起清南京國子祭酒命甫下而清已卒年五十六清之學初主靜後主虛故以虛名齋學者稱虛齋先生著密箴五十條書置卧處又著易經四書蒙引嘉靖八年其子推官存遠以其書進於朝詔爲刊布萬厯中諡文莊贈禮部右侍郎

國朝雍正二年增祀文廟先儒

忠

纂述師溥諺訓心鑑圖報本養生策跋鈔宗譜式集世

居板村

機

東蔡譜十三世祖

字文簡號耕隱賦性明敏公直重義景泰甲戌吳郡歲

飢納粟五百上旌其賢賜七品散官贈承德郎縉紳名

士咸賦詩以誌其美子能字希賢號德松善繼父志

與堂兄希哲尚義五世同居其立心正直處事均平

理公務決爭訟允合公論無纖毫之失掌鄉賦一十八年鄉人敬服

叔盾

字宗伯仁文重義訪錄世洪秘書公譜彙集宗譜合刻後旌賜冠帶

玉門

字君伸江蘇吳邑洞庭山人贈遊擊將軍伯秘書公裔孫洞庭東蔡分居暘塢代有聞人書香不絕而其以科第起家節烈表著者首推贈將軍玉門公公諱人龍字

君伸玉門其別號也天啟壬戌科進士高才博學留心
經濟廷試之日極陳經國大計氣勢豪雄語言誇大已
欲寘之首選復有疑其言過於實者遂擱置後列後聽
時掌選者奇其貌復試之射屢發屢中乃知其言不虛
特授潯州守備敕光祿寺賜宴給四品服統行都指揮
事以其地苗民逆命欲試其才故也公受恩感激誓以
死報國涖任伊始即條陳攻勦防禦四策上之總戎奇
其才許之便宜行事於時苗寇竊發首建奇策約諸營
分路進勦乃先常服單騎直抵寇寨欲以禮法喻之使

之歸附靖安地方以答君恩豈意寇心叵測夜坐帳中
賊騎突至與之格鬪力盡被執罵賊不屈死兵民如失
怙恃募金立祠署左祀之長子至中聞變泣血悲號刺
血上書乞師復仇尋殘屍於暴骨之中馳驛歸葬洞庭
陽塢山祖塋之穆豈特以一時倉卒熒熒孤子不能另
擇善地亦以公生平孝友敦篤致命沙場其心猶依依
墳故卒葬於此俾祖孫父子相聚一處亦公之志也公
生萬曆壬午二月卒於天啟丙寅八月享年四十有五
配鄧氏子二長至中配羅氏次至正配徐氏孫男四維

禮至中出維良維彥至正出曾孫男十人元孫男生猶
未已婚配皆名族公之不朽大節光昭史冊載在邑乘
并有家傳可攷而公歿後已幾百年公之孫維禮猶涕
泣陳詞乞余誌其墓余以公此節列表表人間此不待
誌而傳者也公之遺骨得慰首丘此不可以不誌也遂
辭而爲之銘銘曰

人生大節忠孝爲先爭光日月照耀坤乾公素讀書兼
通武藝移孝作忠誓死無二忠魂烈烈廟祀潯陽忠骨
稜稜終歸故鄉雙堂隱西公之祖父公靈祔焉永壽茲

士 長子至中篤孝配媳羅氏節烈公乃忠孝節烈一門
均載邑誌

士順

字孝來郡庠附監授福建按察使照磨著四書定旨總
正後譜

士冠

邑庠生篤學纂經旨天性至孝割股愈母疾兄 士胄
任刻本支譜

雲程

以歲貢授汾州知府 瑛號玉所著四書靜言禮記簡

言玉所恩貢廷試第二名世居蘇州天妃宮前著包山
集輯圻村譜

模

字警吾以舉人選東明縣令民間直建生祠載毘陵邑
郡誌子 繼登字三無邑廩生正橫林譜子 鳳 鵬

鳳

字翔伯明進士授守懷慶府值闖賊反獨勞督運糧儲
允餉四鎮捷聞帝崩城陷力不能支携民慟哭百拜不
食而終於志節子 元禧舉人

鵬

字南仲舉人子 元宸進士俱守明節清徵不仕

士祿

字企誠謙抑信義敦厚族誼仗義疎財捐貲助修譜牒

用魁

淹貫經史遊庠而貢禮部七戰場屋由博士授縣令院
道獎廣平士子籍遺德以崇文荔捕夷民誌去思以載
績堂姪 鳳官邑庠訪錄嗣庄譜

善繼

字五岳進士第授福建方伯清介不苟忠厚謙抑平衷
服寇捐奉修洛陽橋以繼君謨宗績

太道

號思月有名行著百世一覽圖通志稿

瓊枝

字宛森號閩培順治丙戌舉人丁亥進士授大名南樂
縣令辛卯分校北闈壬辰以卓異徵擢工部主事甲午
充四川副主考丙辰授浙江紹台道按察使僉事丁酉
海寇鄭成功入寇屢奏記撫軍上書三院請兵救援俱

不報台州失事時撫軍自慮失救罪且至又欲爲提督
固山地疏上俱匿前後請師內變情形議革職旣而按
察錢曰公道何可盡泯備詳三院竟之題

惟忠

字士良號飛泉萬厯丙子舉人授濟陽縣令前縣之科
額混淆徵輸無記民情苦之童謠云若要錢谷清還須
濟陽人公之官籌畫積弊頓清官民相慶建祠祀之厯
任忻州刺史

新

字甲三福建漳州漳浦人生於雍正間乾隆初擢鼎甲
傳臚除四川總制晉授文淵閣大學士丞相功臣敕祀
名宦鄉賢

啟傳

浙江德清人康熙庚戌科狀元

升元

浙江德清人康熙壬戌科狀元特旨內詔內閣學士禮
部侍郎國史館總裁官

以臺

浙江嘉會人乾隆丁丑科會元廷試策對一甲第一名
修撰狀元

揚宗

楚南湘潭人原藉蘇州吳縣洞庭西山雍正丙午科舉
人乾隆己未進士翰林院侍讀學士詹事府少詹士授
山西提督學政

炯

字雲橋江西九江郡德化邑人明由河南襄公分支至
吳公於乾隆丙午科鄉榜舉人丁未進士點內閣中書

授甘肅按察使僉事子嗣俱登高第

葵

江蘇洞庭人徙湖南湘潭民籍於乾隆壬申科舉人歷任江西南昌建昌知府護理江西督糧道

鎡

秘書公裔孫於乾隆丁酉拔貢廣西試用州同署柳城上林知縣

蒙古

閩汀杭邑人乃宋文節元定公八世孫也定夫公之長子公聰明天授穎悟性成八歲通經舉筆成文年方十二應童子科承欽選神童頭甲進士授迪功郎再試詮衡列第一加三授從政郎命授韶州司戶兼司法適元戎犯境統督義兵固守及易正陷梅州公被擒元將惜公才好欲重用之公大怒曰吾之盡心報國誓死無二安肯從胡奴苟生哉元將陳一元賊傳至興寧而殺之暴死三日顏色如生元將懼而殮之公年三十有二次

年江西古安府狀元文天祥職列宰相統王師復梅州
嘉公之死節遣將詣興寧原禮以祭之遷公靈柩葬于
梅州贈曰忠節迎公神主入梅州學宮至聖廟立爲鄉
賢春秋享祀其祝文云公之忠魂無往不來在天地爲
神祇在山川爲社稷在郡邑爲鄉賢春秋二祭廟食萬
年噫之生也名垂竹帛公之死也重若泰山允爲朝廷
仕者之模範宗族後裔之儀型云爾是以爲傳